

Kgopelo ya Mabaka

Na Kgopelo ya Mabaka ke eng?

Ge molefela motšhelo a sa kgotsofatšwa ke tekolo goba sephetho seo se tšeerwego ke SARS gomme mabaka ao a filwego ka go tekolo goba go sephetho a sa kgontšhe molefela motšhelo go kwešiša motheo wa tekolo/sephetho le go tlhoma kganetšano, molefela motšhelo o na le tetla ya go dira kgopelo ya mabaka go tšwa go SARS.

Na nka dira bjang kgopelo ya mabaka?

Kgopelo ya mabaka e swanetše:

- Go dirwa ka mokgwa wa go ngwalwa le maleba;
- Laetša aterese yeo molefela motšhelo a tlo amogelago thomelo ya mabaka; le Go romelwa ka SARS mo matšatšing a 30 go tloga ka letšatšikgwedi la kgwebo / letšatši leo sephetho se tšeerwego.

Go na le dikgetho tše pedi:

- Tekolo ya Kgopelo ya Mabaka ya Elektroniki: SARS e na le tshepetšo ya Kgopelo ya Mabaka ya elektroniki ka [eFiling](#) le makala a SARS bakeng sa Motšhelowa Letseno la Mong (PIT), Motšhelo wa Letseno la Khamphani (CIT), Motšhelo wa Boleng bja Tlaleletšo (VAT) le Lefela ka ge o gola (PAYE).
- Kgopelo ya letsogo ya Kgopelo ya Mabaka bakeng sa ditekolo goba diphetho tše di dirilwego: Tshepetšo ya letsogo ya Kgopelo ya Mabaka goba diphetho tše di tšeerwego e gona bakeng sa metšhelo e mengwe goba diphetho tše di dirilwego. Molefela motšhelo o swanetše go romela lengwalo la go tlhalosa kgopelo le go phethagatša dinyakwa ka moka tšeo di hlalositšwego ka godimo. Kgopelo e swanetše go romelwa ka [poso](#), [e romelwe go lekala la SARS](#) goba [e imeilelwe go SARS](#).

Na nka dira neng kgopela ya mabaka?

Kgopelo ya Mabaka e swanetše go romelwa bakeng sa:

- Dilo tša go Lekolwa – ge tekolo ya setlogo, tiišetšo goba oditi e phethagaditšwe ke SARS gomme e feletše go tsebišo ya tekolo (mohlala, ITA34/VAT217/EMP217);
- Dilo tša akhaonte – fao akhaonte ya go nyalelana le [Kgopelo ya Tebalelo \(RFR\)](#) e phethagaditšwe ka poelo ya go dumelelwa goba ya go se dumelelwe ka seripa.
- Diphetho – fao sephetho se tšeerwego ke SARS.

Maele a bohlokwa kudu: Fao tshepetšo ya Kgopelo ya Mabaka e dirišwago bakeng sa mabaka a mangwe ntle le ao a laeditšwego ka godimo, Kgopelo ya Mabaka e tlo ganwa.

Fao molefela motšhelo a nyakago go phošholla phošo go tekolo ya setlogo gob aka nako ya tiišetšo, tirišo ya [Kgopelo ya go dira Phošollo \(RFC\)](#) e swanetše go dirišwa. Kgopelo enngwe bakeng sa maele, dingongorego goba ditatelelo tša ditšhelete tšeo di šaletšego morago di swanetše go romelwa go Contact Centre.

Na sebaka seo kganetšano e swanetšego go tlhongwa se ka katološwa?

Ge go šetše go tiišeditšwe gore Kgopelo ya Mabaka ya maleba bakeng sa dilo tša go lekolwa e rometšwe, sebaka seo [kganetšano](#) e swanetšego go tlhongwa e tlo katološwa ka go itiriša ka nako yeo e dumeletšwego ke [Melao ya Tharollo ya Dikgakgano](#).

Na o hloka thušo?

- Letšetša [SARS Contact Centre](#) go 0800 00 SARS (7277)
- Etela [lekala la kgauswi la SARS](#). Gopola go beeletša peakanyo ya kopano.